

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

III. Aventure

[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Wie Sivrit ze Wormze chome.

III. Auentiure.

Den herren moten selten, dcheiniv hercenleit,
 er horte sagen märe, wie ein schoniv mit,
 in Burgonden wäre, zewnsche wolgetan,
 da von er sit vil arebeit, vnt ovch freuden gewan.

Div ir vnmazen schone. was vil witen chunt.
vnt ir vil hochgemvte. 30 derselben stunt.
an der iunchfrowen. so manic helt ervant.
ez ladete vil der geste. indaz Guntheres lant.

Swaz man nach ir minne. der werbende sach.
Chriemhilt inir sinne. ir selber nie veriach.
daz si deheinen wolde. zeime trote han.
er was ir noch vil vremde. dem si wart sider vndertan.

Do gedaht vf hohe minne. daz Sigelinde chint.
ez was ir aller werden. wider in ein wint.
er mohte wol verdienen. schoner frowen lip.
sit wart div edel Chriemhilt. des starchen Sifrides wip.

Im rieten sine mage. vnt genog sine man.
sit daz er vf minne. vliessen sich began.
daz er eine name. div im mohte zemen.
do sprach der herre Sifrit. so wil ich Chriemhilt nemen.

Die edeln iunchfrowen. v3 Burgonden lant.
durch ir vil grozen schone. von sage ist mir bechant.
nie keiser wart so riche. der wolde haben wip.
im enjame wol zeminnen. der iungen kuniginne lip.

Difw selben märe. vernam do Sigemunt.
ez reite sin gesinde. da von wart im chunt.
der wille fines kindes. was im grimme leit.
daz er werden wolde. die vil herlichen meit.

Ez gefriesch ovch Sigelint. des edeln kuniges wip.
si hete groze sorge. vmbe ir kindes lip.
den vorhte sie verliesen. von Gunthers man.
den gewerp man do dem degene. fere leiden began.

Do sprach der starche Sivrit. vil lieber vater min.
ane edeler frowen minne. wolde ich immer sin.
ich enwrbe dar min herce. vil groze liebe hat.
swaz ieman reden chunde. des ist deheinerslahte rat.

Sit du niht wil erwinden. sprach der kunic do.
so bin ich dines willen. inneklichen vro.
vnt wil dirz helfen fugen. so ich beste chan.
doch hat der chunic Gunther. vil manigen obermoten man.

Obez ander niemen wäre. wan Hagene der degen.
der chan mit obermote. der hochverte pflegen.
daz ich vil sere forhte. deiz vns werde leit.
ia ist mir solher märe. dicke vil von in geseit.

Waz mag vns daz gewerren. sprach do Sifrit.
swaz ich friwentliche. niht ab in erbit.
daz mac doch mit ellen. erwerben wol min hant.
ich trow im an ertwingen. bediu lot vnt lant.

Do sprach der furste Sigemont. din rede dir ist mir leit.
wan werden dirw märe. ze Rine geseit.
done dorstes nimmer. geriten indaz lant.
Gunther vnt Gernot. sint mir lange wol bekant.

Mit gewalt niemen. erwerben mac die meit.
so sprach der kunic Sigemont. daz ist mir wol geseit.
wellen aber wir mit rechen. riten indaz lant.
vnfern besten friwenden. sol dir reise sin bechant.

Des en ist mir niht zemvot. sprach do Sifrit.
daz mir soln rechen. ze Rine volgen mit.
durch deheine hervart. daz were mir leit.
da mit ich solde ertwingen. die vil herlichen meit.

Si mac svs wol erwerben. da min eines hant.
ich wil mit zwelf gesellen. in Gunthers lant.
dar sult ir mir helfen. vater Sigemunt.
do gap man sinen degenen. zekleiden gra vnt punt.

Do vernam och disiv märe. sin moter Sigelint.
si begunde troren. vmbe ir liebes kint.
ia vorhte si vil fere. die Guntheres man.
div edele kuniginne. dar vmbe weinen began.

Do chom der herre Sivrit. da er die frowen sach.
wider sine moter. goetlicher sprach.
irn solt niht weinen. durch den willen min.
ia wil ich ane forge. vor allen wiganden sin.

Nu helfet mir der reise. in Burgonden lant.
daz ich vnt mine rechen. haben solch gewant.
daz so stolze degene. mit eren moegen tragen.
des wil ich genade. iv mit triwen immer sagen.

Sit du niht wil erwinden. sprach do Sigelint.
so hilf ich dir der reise. min einiges kint.
mit der besten wäte. die ritter ie getrooch.
dir vnt den dinen degenen. ir sult ir furen genwoch.

Des neig ir mit zohnten. der vil chone man.
er sprach ich wil zer verte. niemen mere han.
niwan zwelf gesellen. den sol man prufen wat.
ich wil versochen gerne. wie ez vmbe Chriemhilde stat.

Da sazen schone frowe. naht vnt tac.
luzil deheiner mooze. ir deheiniv pflach.
vnze si geworhten. die Sifrides wat.
er wolde siner verte. han deheinerflachte rat.

Sin vater hiez im zieren. sin ritterlich gewant.
damit er varn wolde. in Burgonden lant.
die ir vil lichten brunne. die wrden och bereit.
vnt ir vil goten helme. ir schilde schon vnt breit.

Do nahet in ir reise. zen Burgonden dan.
sie heten umbe in forge. wies im solde ergan.
ob si immer wider solden. chomen indaz lant.
do sovnte man den degenen. von dannen waffen vnt gewant.

Ir roffe div warn schone. ir gereite goldes rot.
lebt iemen vbermoter. des enwas niht not.
denne wäre Sivrit. vnt die sine man.
wie schone er vrloubes. gerte zen Burgonden dan.

In werte tvorechliche. der kunic vnt och sin wip.
er troste minneklichen. do ir beider lip.
er sprach ir sult niht weinen. durch den willen min.
immer ane forge. moget ir wol mines libes sin.

Ez was leit den rechen. ez weint och manic meit.
ich wän in hete rehte. ir herce daz geseit.
daz in sovil ir friwende. da von gelege tot.
von schulden si do klageten. des gie in endeliche not.

An dem sehsten morgen. ze Wormze vf den sant.
riten die vil chunen. alles ir gewant.
was non rotem golde. ir gereite wol getan.
ir roff div giengen ebene. des herren Sifrides man.

Ir schilde warn niwe. stare vnt breit.
vnt licht ir helme. da zehove reit.
Sivrit der vil chune. in Guntheres lant.
man gesach an heleden. nie so herlich gewant.

Die ort der swerte giengen. nider vf die sporn.
ez furten scharpfe geren. die ritter v; erhorn.
Sifrit der furt ir einen. wol zweier spannen breit.
der ze sinen ekken. harte vreislichen sneit.

Die goldes roten zeome. furtens an der hant.
von siden furgebuge. sus chomens indaz lant.
daz volch si allenthalben. kapfen an began.
do liefen in engegene. des kunie Guntheres man.

Die hochgemoten rechen. ritter vnt knecht.
die sprungen in begegene. daz was michel recht.
vnt enpfingen dise geste. inir herren lant.
si namen in die möre. vnt ir schilde von der hant.

Die roff si wolden dannen. ziehen an ir gemach.
Sifrit der starche. zu den helden sprach.
lat uns noch die möre. eine wile stan.
wir wellen schiere hinne. des ich goten willen han.

Man sol och unser schilde. ninder von uns tragen.
wa ich den kunie uinde. kan mir daz iemen sagen.
Gunthern den richen. v; Burgonden lant.
do sagetes im ir einer. dem iz rehte was bekant.

Welt ir den kunie uinden. daz mac vil wol geschehen.
vf ienem sal witen. han ich in gesehen.
bi den sinen degenen. welt ir zu zim gan.
ir moget da vor im vinden. manigen v; erwelten man.

Do waren och dem kunige. die märe nu geseit.
daz vf sinem hofe wären. ritter vil gemeit.
die furten liechte brunne. vnt herlich gewant.
si enkande niemen. inder Burgonden lant.

Den wirt des hete wnder. von wanne kômen dar.
die herliche rechen. in wâte licht gevar.
vnt mit so schonen schilden. niwe vnt breit.
das im das niemen sagete. das was im grôzliche leit.

Des antwrte ein reche. der hiez Ortwin.
starch vnt chvone. mohter wol sin.
sit wir ir niht erchennen. so sult ir heizen gan.
nach mime hoheim Hagene. den sul wir si sehen lan.

Dem sint kunt div riche. vnt oveh div fremden lant.
mager si bekennen. das twot er uns bechant.
in hiez der chunic bringen. mit den sinen man.
sach man in zohtekliche. zehose fur den chunic gan.

Waz sin der kunic wolde. des vragete Hagene.
ez sint in mime huse. vrende degene.
die niemen hie bekennet. ob ir si e' gesehen.
habt invremden landen. des solt ir Hagene mir veriechen.

Das ton ich sicherliche. zeinem venster er do gie.
sin ovge er do wenehen. z den gesten lie.
wol behagete im ir geverte. vnt oveh ir gewant.
si warn im vil vrende. inder Burgonden lant.

Er sprach von swannen furen. die rechen an den Rin.
ez mohten selbe fursten. oder fursten boten sin.
ir roff div sint so schone. ir chleider harte gvot.
swannen si ioch riten. si sint vil hohe gemvot.

Also sprach do Hagene. als ich mich kan verstan.
swie ich Sifriden. noh nie gesehen han.
so wil ich wol getrowen. swie ez sich gefuget hat.
so ist ez der reche. der dort so herlichen stat.

Er bringet niwe märe. her indisse lant.
die chonen Nibelunge. stoch des heldes hant.
Schilbunc vnt Nibelunch. diu richen kuniges chint.
er frumte starchy wnder. mit siner grozen chrefte sint.

Da der helt aleine. an alle helse reit.
er vant vor einem berge. daz ist mir wol geseit.
bi Nibelunges horde. vil manigen kunen man.
die warn im e' fremde. vnz er ir chunde da gewan.

Hort der Nibelunges. der was gar getragen.
vz einem holn berge. nu horet wnder sagen.
wie in teilen wolden. der Nibelunge man.
daz sach der degene Sifrit. den helt es wndern began.

Er chom zu zin so nahen. daz er die rechen sach.
vnt och in die degene. ir einer drunder sprach.
hie chumt der starchy Sifrit. der helt von Niderlant.
vil seltseniv märe. er an den Nibelungen vant.

Den rechen wol enpfingen. Schilbunc vnd Nibelunch.
mit gemeinem site. die edeln fursten iunch.
den schaz in baten teilen. den vil chunen man.
vnt batens in so lange. vnz er in loben began.

Er sach so vil gesteines. als wir horen sagen.
hundert chantz wägene. ez mohten niht getragen.
noch me des roten goldes. von Nibelunge lant.
daz solde in alles teilen. des chunen Sifrides hant.

Do gaben si im ze miete. daz Nibelunges swert.
si wrden mit dem dienste. vil vbele gewert.
den in da leisten solde. der vil chune man.
ern kundes niht verenden. do wart der helt von in bestan.

Den schatz er vngeteilet. beliben mose lan.
do begunden mit im striten. der zweier kunige man.
mit ir vater swerte. daz Palmvnoch was genant.
ez streit abin der chune. den hort vnt Nibelunglant.

Si heten da ir friunde. zwelf chune man.
die starch als risen warn. was chundes; si verman.
die swoch sit mit zorne. diu Sifrides hant.
vnt rechen sibenhundert. dwanger von Nibelunge lant.

Dar zo die richen kunige. die sluger beide tot.
er chom von Albriche. sit ingroze not.
der wande sine herren. rechen da zehant.
vnt er die grozen sterche. sit an Sifride vant.

Done chunde im gestriten. daz starche getwerch.
alsam die lewen wilde. si liefen an den berch.
da er die tarnkappen. Albrichen ane gewan.
do wart des hordes herre. Sifrit der vil chune man.

Die da getorsten striten. die lagen alle erslagen.
den schatz hiez er do balde. furen vnt tragen.
da in e' da namen. die Nibelunges man.
Albrich der vil starche. do die kameren gewan.

Er moos im swern eide. er dient im so sin knecht.
aller hande dienste. was er im gerecht.
so sprach von Tronege Hagene. daz hat er getan.
also grozer chrefte. nimere reche gewan.

Noch weiz ich an im mere. daz mir ist bekant.
einen lintrachen. swoch des heledes hant.
do badet er in dem blvote. des ist der helt gemeit.
von also vester hute. daz in nie wafen sit versneit.

No soln wir den rechen. enpfahen deste baz.
daz wir iht verdienen. den sinen starchen haz.
sin lip der ist so chune. man sol in holden han.
er hat mit sinen ellen. so mänigiv wnder getan.

Do sprach der chunich riche. do maht wol haben war.
no sich wie degenliche. er stet gein strites var.
er unt die sine degene. der wnder chune man.
wir suln im begegene. hin nider zu dem rechen gan.

Daz muogt ir sprach do Hagene. wol mit eren ton.
er ist von hohem chunne. eines richen kuniges son.
er stet inder gebäre. mich dunchet wizze christ.
es enfin niht kleiniv märe. darombe er het geriten ist.

Do sprach der wirt des landes. no si vns willechomen.
er ist edel unt chvone. daz han ich wol vernomen.
des sol ouch er geniezen. in Burgonden lant.
do gie der chunic Gunther. da er Sifriden vant.

Der wirt vnt sine rechen. enpfingen so den gast.
daz in an ir zuhten. wenich iht gebraft.
des begunde in nigen. der vil chune man.
man sah in zuhtekliche. mit den sinen rechen stan.

Mich wundert dirre märe. sprach der wirt zehant.
von wanne ir edel Sifrit. sit chomen indaz lant.
oder waz ir werbet. ze Wormez an den Rin.
do sprach der gast zem kunige. daz sol ouch unverdaget sin.

Mir wart gesaget märe. inmins vater lant.
daz hie bi ir wären. daz het ich gern erkant.
die chunsten rechen. des han ich vil vernomen.
die ie kunic gewinne. darombe bin ich het bechomen.

Ouch hort ich iv selben. der degenheite ichen.
daz man kunic deheinen. chuner habe gesehen.
des giht iv vil der lute. ober elliv disiv lant.
nunc wil ich niht erwinden. vnz ez mir werde bechant.

Ich bin ouch reche. vnt solde chrone tragen.
ich wil daz gern fugen. daz si von mir sagen.
daz ich habe von rehte. lute vnt lant.
darumbe sol min ere. vnt min hovbt wesen psant.

Nu ir sit so chune. als mir ist geseit.
iane reche ich ist iemen. liep oder leit.
ich wil an iv ertwingen. swaz ir muht han.
lant vnt burge. daz sol mir wesen alles undertan.

Den chunic hete wnder. vnt sine man allesam.
umbe disiv märe. die er hie vernam.
daz er des hete willen. er näme im siniv lant.
daz horten sine degene. do wart in zvernen bechant.

Wie hete ich daz verdienet. sprach Gunther der degen.
des min vater lange. mit eren hat gepflegen.
daz wir daz solden vliessen. von iemannes kraft.
wir liezen vbel schinen. daz ouch wir pflegen ritterschaft.

Ich enwil es niht erwinden. sprach aber der chune man.
ez enmuoge von dinem ellen. din lant den vride han.
ich wils alles walten. vnt ouch div erbe min.
erwirbestoz mit ellen. die soln von rehte wesen din.

Din lant vnt ouch daz mine. suln geliche ligen.
sweder unser einer. am andern mac gesigen.
dem sol ez alles dienen. die lute vnt ouch div lant.
da wider redet alcine. der herre Gernot zehant.

Wir han des niht gedingen. sprach do Gernot.
daz wir iht lande irtwingen. daz iemen drombe tot.
gelige vor rechen handen. wir haben richiv lant.
diu dient vns von rehte. zenieman sint si baz bewant.

In vil grimmen mvote. da stunden die friunde sin.
do was ovch dar vnder. der herre Ortwin.
der sprach disiv soone. ist mir von herren leit.
iw hat der starche Sifrit. vnverdient wider seit.

Ob ir vnt iwer bruder. hetet niht die wer.
vnt ob er danne furte. ein michil kuniges her.
ich trowte wol erstriten. daz der chune man.
die grozen oberwete. von warn schulden wuse lan.

Daz wvnde harte fere. der helt von Niderlant.
sich enfol niht vermezzen. wider mich din hant.
ich bin ein kunic riche. so bistu kuniges man.
ia enzint dir niht mit strite. deheinen minen genoz bestan.

Nach swerten rief do fere. von Metzzen Ortwin.
er mohte Hagenen swester suon. von Tronege vil wol sin.
daz der so lange dagete. daz was dem kunige leit.
do vnderstunde; Gernot. der ritter kvene vnt gemeit.

Er sprach ze Ortwine. lat iwer zornen stan.
vns en hat herre Sifrit. solhes niht getan.
wir meigen es noch wol scheiden. mit zohthen dest min rat.
vnt haben in zefriunde. daz uns lobelicher stat.

Des antworte Hagenen. vns mac wol wesen leit.
allen iwern degenen. daz er ie gereit.
durch striten her ze Rine. er soldez haben lan.
im heten min herren. solher leide niht getan.

Do sprach aber Sifrit. der chrestige man.
mote ouch das her Hagene. das ich gesprochen han.
so sol ich lazen chiesen. das die hende min.
wellent vil gewaldech. hie zen Burgonden sin.

Das sol ich eine wenden. sprach do Gernot.
allen sinen degenen. reden er verbot.
iht mit obermwete. des im wäre leit.
do gedaht ouch Sifrit. an die vil hertlichen meit.

Wie zäme vns mit iv striten. sprach aber Gernot.
swaz helde nu dar vnder. moßen ligen tot.
wir hetens luzzil ere. ob wir ez wolden tvon.
des antwort Sifrit. des kunic Sigemundes sun.

Warumbe bitet Hagene. vnt ouch Ortwin.
das er niht gahet striten. mit den frivonden sin.
der er also manigen. hie zelande hat.
si moßin rede vermeiden. das was Gernotes rat.

Ir sult vns wesen willechomen. sprach Giselher das kint.
vnt iwer hergesellen. die hie mit iv sint.
wir soln iv gerne dienen. ich unt die mage min.
do hiez man den gesten. schenchen Guntheres win.

Do sprach der wirt des landes. alle; das wir han.
gerochet irs nach eren. das si iv vndertan.
vnt si mit iv geteilet. lip unt gvot.
do wart der herre Sivrit. ein luzzil fenster gemvot.

Do hiez man in behalten. allis ir gewant.
man gab in herberge. die besten die man vant.
Sivrides knappen. man schvof in gvot gemach.
den gast man sit vil gerne. da zen Burgonden sach.

Man bot im michel ere. dar nach ze manigen tagen.
tusint stunden mere. danne ich iv kunde gefagen.
das hete verscholt sin ellen. ir solt wol wizen das.
in sach vil luzzil iemen. der im were gehaz.

Sich vliizen kurzewile. die kunige vnt ovch ir man.
so was er ie der beste. swes man da began.
des chunde im volgen niemen. so michel was sin kraft.
so si den stein wfen. oder schuzzen den schaft.


Swa so vor den frowen. durch ir hoffscheit.
churzewile pflagen. die ritter vil gemeit.
da sah man ie vil gern. den helt v; Niderlant.
er het of hohe minne. sine sinne gewant.

Ze hofe die schonen frowen. vrageten mare.
wer der stolze vremde. reche ware.
sin lip der ist so schone. vil riche sin gewant.
do sprachen ir genoge. ez ist der chunic von Niderlant.

Swes iemen da begunde. des was sin lip bereit.
er trooch insinem mote. ein minnekliche meit.
vnt ovch in ein div frowe. die er noch niene gefach.
div im inheinliche. vil dicke gottliche sprach.

Swenne vofem hofe wolde. spilen da div kint.
ritter vnt knappen. das sach vil dicke sint.
Eriemhilt durch div venster. div kuniginne her.
deheiner kurzewile. bedorste div kuniginne mer.

Vnt wesser das in sehe. die er inhercen trooch.
da het er kurcewile. immer ane genwoch.
solt ovch er si sehen. ir sult gelovben das.
das im indirre werlde. chunde nimmer werden baz.



Swenner bi den rechen. of dem hofe stont.
also noch die lute. durch kurzewile twont.
so stont so minnekliche. daz Sigelinde chint.
daz in dvrech hercenliebe. trotte manie frowe sint.

Er daht ovch manige zite. wie sol daz geschehen.
daz ich die maget edele. mit ovgen muoge gesehen.
die ich von hercen minne. vnt lange han getan.
dis ist mir vil vrende. des mu; ich dicke truric stan.

Swenne die kunige riche. riten inir lant.
so muosin ie die rechen. mit in al zehant.
da mit reit ovch Sifrit. daz was den frowen leit.
er het durch hohe minne. diche nichel arebeit.

Svs wonter bi den herren. daz ist al war.
in Guntheres lande. volleklich ein iar.
daz er die minneklichen. die zite niene gesach.
von der im sit vil liebe. vnt ovch vil leide geschach.

